



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Pont. filius ad pheretru[m] Christianæ matris.

urn:nbn:de:hbz:466:1-13534

TVMVLORVM

Ad matris tumulos adesse flenti.
Has lactis pretium tibi quotannis
Ex uoto lacrimas parens dicamus.
Hos questus tibi pro labore & aestu
Pro puerperij damus dolore,
Pro casta simul institutione,
Pro linguae studijs, boniq; cultu,
Et desiderium tui perenne,
Et suspiria pectoris uouemus,
Cum luctu, gemitu, dolore & aestu.
Nec Musæ numeros negant querenti,
Quod uiuis bene, quod deos uereris,
Quod castum colis, & probas modesta.
Hinc te Pierides puellæ amarunt,
Amauit dea uirginum magistra,
Atq; hinc te ad socios choros uocarunt,
Inter quos agis, & beata ludis.

PONTANVS Filius ad Pheretrum

Christiane matris.

Has te ego ad inferias mater uoco. tu mea mater
Acipe cum fletu munera mixta suo.
Te natus uocat ad pheretrum. tu munera nati
Acipe, & has lacrimas, acipe & hos gemitus.
Quid natum mater fraudas spe? nec mihi flenti
Eximis aut lacrimas? eximis aut gemitus.
O' dulcis matris uultus, o' mollia corda.
Mater adestr, matrem iam peto, iam teneo.
Iam ridet nato mater, iam brachia tendit.
Iam teneo amplexus, ipse ego iam teneor.



Heu natum mater, natum fugit immemor. heu nil
Ipsi, nisi manes et leuis umbra sumus.

ARIADNAE SAXONAE NEAPO-

litanae. Viator, Genius, & Hyacinthus

colloquuntur.

Vnde erosae ad tumulos, unde haec uiolaria? nūqd. VI.

Hi tumuli & uiolas et peperere rosas?

Ver tribuit sua iura, simul tribuere Napææ. GE.

Huic cineri. hinc uiolas, hinc peperere rosas.

Ipse et Acidalio Charites de fonte liquorem.

Ipse et Acidalio rorat ab amne Venus.

Hinc uiolæ florent, hinc roscida lilia canene.

Hinc tener ipse tuo flore Hyacinthe nites.

Et nitet et queritur moerenti flore Hyacinthus,

Suspiratq; nouo iure dolore puer,

En audis. misera uolant suspiria, et uidis.

E' folijs sese flebilis aura ciet.

Formosæ quondam dominæ mihi cura uacibat. Hy.

Hinc mihi tutæ æstas, hinc mihi mitis hyems.

Me dominae faciles digiti, studiumq; colebant.

Ver mihi sic semper, rosq; perennis erat.

Extinctam flerunt nymphæ. Venus aurea questa est.

Terq; comam uellit, ter scidit ipsa genas.

Inde mihi & nitidus cecidit flos, et mihi tristis

Venit hyems. periit qui fuit ante nitor.

Felices tumuli, cinis at felicior. en tu VI.

Dic. puer, unde nouus qui tibi uenit honos?

Areba dominæ interitu. sed coniuge adeptæ Hy.